

古今詞選

埽葉山房發行

古今詞選卷十一目

沁園春 四十九首

賀新郎 二十一首

吳江沈時棟焦音選

古今詞選卷十一

吳江沈時棟焦音選

沁園春

山東劉孔集招飲廣陵酒家係郭石公故宅

陳維崧

魯國劉生笑賣寶鞭。攜上糟丘。更一時意氣徐陵，哀紹六朝才調，綠幘紅鞵。如此人生，奈何不樂，况值離鴻叫暮秋。憑闌望，見風廊水榭，丹漆雕鏤。當年此地風流。記畫戟門開，溝水頭。羨羊侃侍兒，彎弓貼地，李波小妹。走馬當樓。蔓草斜陽，空園絲雨，爭說汾陽郭細侯。還長嘯，只眼中花月，誰似揚州。

又

冒天季五十書贈

慷慨悲歌，傍若無人。進君一觴，更四絃入破，聲哀以思。三更被酒，臣醒而狂。末路崎嶇，舊游零落，哀樂縱橫不可當。生平事，記短衣匹馬，錦瑟紅牆。歲華一去堂堂。又半百蹉跎，暗自傷。歎醉必沾襟，是兒可念，飛而食肉。

此志難忘。人道買臣。今年富貴。路鬼揶揄笑一場。重起舞。儘玉山筵上。徹夜顏唐。

又

泊舟惠山看六朝松并艮巖石

昔歲我來。乘白羊車。著紫鼠裘。愛支離者叟。霜皮黛甲。玲瓏者丈。鴈蕩龍湫。王謝家兒。宣和遺老。爾正愁時。我亦愁。曾經過。看累朝興廢。百代王侯。別來歲月如流。歎赴壑脩蛇。掣不休。又風吹雨溜。幾場兒戲。藤纏蘚蝕。一樣蟬蛸。石豈能言。樹猶如此。何怪書生。竟白頭。重來到。吹一聲鐵笛。叫破孤秋。

又

題徐惠文鍾山梅花圖同雲臣京少賦

十萬瓊枝。矯若銀虬。翩如玉鯨。正困不勝烟。香浮南內。嬌偏怯雨。影落西清。夾岸亭臺。接天歌板。十四樓中。樂太平。誰爭賞。有珠璫貴戚。玉珮公卿。如今潮打孤城。只商女船頭。月自明。歎一夜啼烏。落花有恨。五陵石馬。

流水無聲。尋去疑無。看來似夢。一幅生綃。淚寫成。攜此卷。伴水天閒話。江
海餘生。

又

贈別芝麓先生即用其題
烏絲詞韻 其二 其三

雖則毋歸。對酒當歌。終難激揚。似孔家文舉。幻原了了。衛郎叔寶。晚更茫
茫。五劇金鞭。六街寶馬。誰數吾家老子昂。公真誤。歎臣今已老。髮短心長。
御溝偶過球場。笑塗轍。都為若輩妨。更內家髻樣。巧如馬墜。小侯舞勢。
快作鸞翔。酒則數行。食而三歎。斷盡西風烈士腸。登城望。有千羣篳篥。萬
點牛羊。

歸去來兮。竟別公歸。輕帆早張。看秋方欲雨。詩爭人瘦。天其未老。身與名
藏。禪榻吹簫。妓堂說劍。也算男兒意氣揚。真愁絕。却心憂似月。鬢禿成霜。
新詞填罷蒼涼。更暫緩臨歧。入醉鄉。况僕本恨人。能無刺骨。公真長者。
未免霓裳。此去荆溪。舊名罨畫。擬繞蕭齋。種白楊。從今後。莫逢人許我。宋

艷班香。

又

大梁署寓
對雪有感

凍角無聲。大旗自翻。長河怒號。正雪作花時。玉鱗狼籍。荼當乳處。珠眼蕭
騷。烏鵲枝寒。羝羊窖冷。一片愁成。八月濤。當年事。記昆陽城下。羣盜如毛。
中原百戰人豪。經幾度風吹并浪淘。歎河名官渡。袁曹安在。地連南頓。
馮鄧徒勞。四節飄零。兩河蕭瑟。且將黃鬚命濁醪。吾已醉。尋市中朱亥。共
鼓屠刀。

又

三月三日尉
氏道中作

登尉繚臺。上三垂岡。傷如之何。憶談兵說劍。才情磊落。投秦去魏。意氣嗟
我。我到中原。重尋舊跡。牧笛吹風起。夜波誰相問。縱殘碑尚在。一半銷磨。
短衣此日經過。歎楔日難逢。晉永和。正水邊柳眼。斜窺芳岸。風前燕尾。
亂剪晴莎。異國韶光。中年意味。寫上烏絲。感慨多。休憑平。喜前裙挑菜。士

女婆婆

又

詠硯為李若士賦
若士時將入楚

誰向螭潭剗紫雲。肝鐫白玉脂。便曹王臺上。唾他銅雀。徐陵序裏。輸却琉璃。瘦比龍精。嬌踰鵝眼。蒸出韓文與杜詩。窪而黑。是媧皇煉膿。嬴政鞭遺。醉磨盾鼻。能為還笑。倩防身鳳味。隨但每看劍動。神先跳盪。時聞笛起。興更淋漓。此去衡陽。祝融峰上。要寫懸崖百丈碑。顛狂甚。叱青猿代捧。蘸墨親題。

又

懷程
崑崙

疇昔從公。上松寥山。觀北府兵。正魚龍蒸黑。魂魂海氣。水雲冷白。滾滾江聲。采石乘潮。皖桐移鎮。異代龔黃比大名。蘆溝驛。恰飛書寄我。感念平生。一麾出守。孤城又重。向咸陽道上行。歎地名祿。相黃沙颯沓。天空盤屋。紅樹縱橫。落照窮邊。壯年薄宦。手板將迎。歲月更。驪山頂。望并汾秋色。一

片鄉情。

庚戌夏漳河署中接崑崙都門札耀州漢祿祠地

又

梁谿西郭外有片野草堂吾宗沂州公別業也公子某豪情斯在治習未忘乃以李氏之平泉用作并公之博進千金一擲園屬他人迄今已三易主矣公四世孫集生暇日扁舟經過此地臨風感舊惆悵絕多作詩紀事同人俱有和章余亦填詞一首

過西定橋有片野園。崢泓坦迤。記花闌藥嶼。島何澹澹。烟汀雨瀨。水太羅羅。樂去爽鳩。愴深銅狄。牧笛吹風。夜起波。憑高望。悵舊家光景。邈若山河。小樓一棹經過。奈三度亭臺。易主何。縱王孫無恙。東風認否。主人重到。燕子知麼。笑說當年。檣浦一擲。絕似名姬換馬。馱君休恨。較臨春結綺。博進誰多。

又

酬贈黃交三即次原韻并呈尊公仙裳賢昆月舫

三四年來。老情無聊。惟耽小詞。任世皆嗤僕。為無益事。人方目我。是有情癡。花月前生。水天別館。似夢年光。暗裏飛。菖蒲紙。把心情淡寫。偷寄崔徽。君才十倍陳思。怨愁病羈窮。屬和遲。况豪吟老叟。聲情磊落。狂歌法護。

才調詼奇。我渡京江。重游隋苑。惆悵間行。杜牧之當年事。記萬家水榭。紅袖齊垂。

又留別吳伯成先生
和澹心韻

憶數年間。為汗漫遊。輕去其鄉。正城樓入夜。無邊草白。關河放溜。極目沙黃。廣武山雄。礪礪路隘。何必愁人。始斷腸。風吹盡。是三河俠少。六郡名王。牛衣仍卧。王章笑病馬。依然戀戰場。恰何來同調。金盞一卷。重逢高會。紅燭千行。風刮琵琶。霜枯筆策。又惹歸帆。帶雨張。頻回首。是難忘官閣。酒綠茶香。

又余卧病澄江不能應試主者頗難之竹逸為經營良苦乃始得請歸而作此自嘲并以伸謝

羅隱江東老。署秀才。不幸似之。怪自負上流。偏搜兔冊。曾稱男子。却溷牛醫。壯不如人。老之將至。那更空牆病馬嘶。歸去耳。儘嚇人腐鼠。笑我醯雞。紛紛路鬼相疑。疑小敵當場。怯為謝主臣不敏。怯誠有是。明公垂諒。

病亦非欺。顏子屢空。伯牛有疾。合受先生譴責詞。真窮矣。幸江城恰遇鮑叔於斯。

又

呈伯成先生
和仲震原韻

耕二頃田。栽八百桑。何時始諧。只強弓硬弩。消磨歲月。素箏濁酒。開拓胸懷。白晝棲棲。青袍鬱鬱。世上何人管樂才。狂歌發。正半天松響。大海瀾迴。多公酷愛輿臺。笑昨日于思。今復來。且東籬載酒。看殘黃菊。西園把袂。蹋破蒼苔。萬事紛紜。一身偏側。舍此吾將安適哉。吾休矣。任齒同馬長。耳似龍乖。

又

經邯鄲
縣叢臺

匹馬短衣。竟上叢臺。慨當以慷。是誰家戰壘。寒沙落照。何年古戍。亂草平岡。十月疎砧。一城冷鴈。不許愁人不望鄉。徘徊久。只登高弔古。無限蒼茫。當年趙武靈王。對樹裏河流。挂濁漳。有佳人跣屣。救臺對起。王孫袿服。

舞袖相當而我來游。幾番歷徧。不見邯鄲。挾瑟倡。何須問。便才人。廝養總付斜陽。

又

同遠公和雲臣越生贈答之作

五十之年。細數生平。人間可哀。看白首相知。晨星寥落。朱門先達。覆雨喧。歷只此貧交。陶然永夕。蹴鞠彈棋。更舉杯。交驩甚。記看花並出。蹋月偕回。千金散盡還來算。細故寧容芥蒂哉。况白雪連箱。讀之氣盡。紅牙一曲。聞者心灰。亟續曩游。競投新闕。從此蕭朱。忍見猜。真佳話。使詞場數子。笑口齊開。

又

壽沈一指表叔

葉舒穎

江左文章。吳興人物。郊居隱侯。記花時竹馬。童迎上洛。桑陰雛雉。椽說中年。兩袖風輕。五湖春暖。鄉夢先牽。一葉舟。歸來好。等身書卷。如意歌喉。須知天與風流。向藝圃歡場。恣冥搜。看徐卿作畫。半多沒骨。周郎顧曲。頻

自回頭。酒可三杯。棋還幾局。許我追隨。百尺樓。聽此會。新聲雙奏。畫錦千
秋。

又壽吳慊
庵先生

錦里先生。弱冠才華。鴈塔高題。記含香粉署。間稱吏隱。飲冰水部。清畏人
知。拄頰山青。科頭眼白。金馬浮沈。此一時。風流甚。看從容退食。伸紙臨池。
鳧舟翠蓋。齊飛是憲節。乘春天上移。恰論兵江漢。輕揮白羽。舉帷荆楚。
偶挾朱絲。世路羊腸。宦情雞肋。萬事無過。便拂衣歸來好。且學參柏子。休
遣楊枝。

又額

朱彝尊

鏡檻初開。宜對粉題。休籠紫綸。音關記折花共劇。蘭雲纔覆。塗妝伊始。翠鈿
曾安。慣疊纖羅。微嫌短髮。手裊紅絲。著意刪。犀梳斂。護貂茸一剪。閣住輕
寒。日斜倚小門闌。但端正。窺人莫便還。見障羞月扇。低時半露。吹愁梅

辦點處成斑。素柰看勻。小蟬比竝。料是詩人想像間。峰黃淺。愛夕陽無限。

映取遙山。

李白詩。妾髮初覆額。折花門前劇。王建詩。素柰花開西子面。孔氏疏云。小蟬也。溫庭筠詩。額黃無限夕陽山。

又耳

玉琢芳根。麝月初弦。螺峰遠侵。勝吳綃畫了。微添朱暈。秦璫繫却。密釘神針。粉拂頻沾。香雲帶掠。釵鳳珠垂冷不禁。盤龍鏡。映玉臺素手。影後斜臨。小堂誰弄清琴。通一線靈犀。直到心。慣春閒易倦。偷粘角枕。夢輕難續。翻恨鶯吟。細馬馱來。埃風生處。掩就綸巾。未易尋羅幃底。把無聲私語。遞向更深。張萱畫婦人。以朱暈耳根。

又臂

勝曼陀羅。八萬四千。非耶是耶。效蹋搖。孌曲。聯時宛轉。騰兒舞。旋了交加。拍按霓裳。張同鳳翅。攘處拖環。急鼓。搥呼同坐。把香肩微竦。側倚琵琶。曲闌憑晚涼些。添羅袖。纔令一半遮。更泥他沽酒。卸金跳脫。教伊展畫。

替玉鴉。又待枕先舒。將盟暗蓄。宜印綢繆。小字斜。臨當別。搗花房。蜥蜴重。

繫紅紗。

李紳柘枝伎詩。畫鼓拖環。錦臂攘。又鳳聲初歇。翅初張。鬢臂盟見左傳。唐宮人選幸以綢繆字印臂。

又掌

小小瓊田。煖玉無塵。紋生細波。慣先調粉澤。兩邊齊傳。未昏菱鏡。一面頻磨。鞵託真纖。指離偏遠。水上前裙。著意搓闌干拍。惹鴛鴦驚起。飛度風荷。

樽前一握無多。縱燕燕身輕。舞則那。任青紅碧綠。接成綵縷。裁縫熨帖。

研就香羅。冷露三霄。明珠幾顆。除是仙人不讓他。春來病把芳心捧罷。百

遍摩挲。

楊無咎詞。掌托鞵兒。漢雜事指去掌。四寸。李商隱詩。仙人掌。上三霄露。

又乳

隱約蘭胸。菽發初勻。脂凝暗香。似羅羅翠葉。新垂桐子。盈盈紫的。乍壁蓮房。竇小含泉。花翻露蒂。兩兩巫峰。最斷腸。添惆悵。有纖桂一抹。即是紅牆。偷將碧玉形相。怪瓜字初分。蓄意藏。把朱闌倚處。橫分半截。瓊簫吹徹。

界住中央。量取刀圭。調成藥裏。寧斷嬌兒不斷郎。風流句。讓屯田柳七。賦贈酥娘。

又送葉元禮之真州

游子何之。迤邐橫塘。二十四橋。正梅花如雪。烟籠寒水。垂楊拂地。雨漲春條。江左文章。竹西歌吹。麗句爭傳。勝六朝。塞簾處。報玉驄到也。紅袖齊招。當年瓜步停橈。有桃葉桃根。送晚潮。悵荆雲隔浦。難邀夢雨。秦臺按曲。曾聽吹簫。舊事堪尋。長牋得寄。便欲從君。訪翠翹。沈吟久。怕重來不見。見又魂銷。

又李孔德出情人如玉別時所留指甲索賦

并剪分時。逗向君前。春心暗驚。記銀缸照處。曾挑錦字。碧雲歌斷。尚擘霜橙。瓦覆鸞環。層冰碾薄。只是中心最不平。相思苦。任拋殘寶瑟。閒殺瑤箏。詩人慣惜傾城。張三疊。陽關萬里程。把香囊繫住。潛通叩叩。紅絲解罷。

低喚卿卿。猛省秦樓。纖纖指下。何得愁中。却盡生無眠夜。想麻姑搔背。一段風情。

又想園為
旦夫題

吳綺

金谷樓空。玉津園廢。恨滿銅駝。記據梧南郭。賦成烏有。種花西圃。鄉號無何。自謂羲皇。不如魏晉。此事憑教春夢婆。蘇門路。歎迴車腹痛。吾又經過。程家雀散空羅。生子誰如仲也多。向堂中聽雨。徒憐載酒。湖邊對月。還憶聞歌。舊業都非。故書猶在。若有人兮帶女蘿。仍長慨。慨當年結想。未遂巖阿。

又美人
齒

葉舒崇

密結朱唇。一夜生成。可是含闌。慣盈盈寫字。吮殘鼠管。懣懣病酒。嚼碎龍團。好閉芳津。頻啣素指。誰把琅玕故攢。風流甚。愛痕留歡臂。輕印香檀。隔簾仔細偷看。恰纖手輕揉病倚闌。記紅牙度曲。千呼乍啟。青梅消渴。

一點先寒粉澤難施。香醪屢嗽。頰頰多姿露未完。天然好笑。梁家新樣。顰態多端。

又 偶興

王士禎

春去秋來。林無靜柯。川無停流。憶卓女壚邊。花籠趙瑟。要離冢畔。霜淬吳鉤。劍客從游。酒徒託乘。意氣居然橫九州。誰知道。看主家廝養。騎尉通侯。十年壯志難酬。但眼底青樽恣拍浮。謂萬戶千鍾。卿其休矣。千峰萬壑。吾又焉求。龍性難馴。鴻飛何慕。爭席休驚海上鷗。忘機久。任行歌帶索。五月披裘。林無靜柯。川無停流。用世說中語。

又

顧貞觀

殘月幽輝。宿昔見之。豈其夢耶。任寒堆一枕。鈿珠零落。塵縈半榻。第柱欹斜。妾命如斯。卽行何許。裙扇曾題滿狹邪。鱗鴻便。莫棲香正穩。忘了天涯。他應游倦。思家算不抵孤眠人歎嗟。鎮未收懷抱。慵偎暖鴨。斷無消息。